



Republika e Kosovës
Republika Kosova
Republic of Kosovo



Komuna e Kaçanikut
Opština Kacanik
Municipal of Kacanik

01Nr. 060/01-1154/25
Kaçanik, 15.01.2025

PROCESVERBAL

Nga mbledhja e **I (parë)** e jashtëzakonshme e Kuvendit të Komunës Kaçanik për vitin 2025 (Legjislatura e shtatë), mbajtur me 15.01.2025. Mbledhja u mbajt në katin e tretë të objektit të komunës, në sallën e kuvendit, në ora 11:00.

Nga përbërja e përgjithshme e Kuvendit të Komunës prej 27 anëtarëve, pjesëmarrës në mbledhje ishin 15 anëtarë. Në mbledhje munguan pa arsye 12 anëtarë: Agim Mani, Kadrije Lika-Troni, Burim Shehu, Naim Beça, Raif Kasa, Ernesta Krasniqi, Bashkim Luma, Arta Avdiu, Besnik Salihu, Betim Shala, Arlinda Rakoci-Raka, Agim Çaka.

Nga Ekzekutivit i Komunës, në mbledhje morën pjesë: Kryetari i Komunës-Besim Ilazi, Nënkryetari i Komunës-Sabedin Vishi, Drejtorët e drejtorive: Bahri Selimi-DBF, Qamil Stagova-DUKMM, Ramadush Osmani-DSHPE, Dardana Tafili-Dauti-DAP, ndërkaq nga zyrtarët në kuadër të detyrave të punës: Festim Neziraj, Makfire Malsiu.

Nga strukturat vendore mbledhja monitorohet përmes Teleprezencës nga Vjosa Ahmetaj-zyrtare në MAPL. Mbledhja ka transmetim të drejtpërdrejtë.

Mbledhjen e kryesoj, Kemal Murseli- Kryesues i Kuvendit
Procesmbajtës, Makfire Malsiu - Zyrtare e lartë për punë të KK.

Kryesuesi i Kuvendit, Kemal Murseli: Të nderuar pjesëmarrës, së pari iu përshëndes të gjithëve, iu dëshiroj mirëseardhje, konstatoj kuorumin, 15 janë prezentë, kushte pune me u mbajt mbledhja ka, e hapi mbledhjen e I (parë) të jashtëzakonshme të Kuvendit të Komunës, data 15.01.2025, me këtë:

REND PUNE

1.Kërkesa e MFPT për Rishqyrtimi i Vendimit të KK 01Nr. 060/01-28018/24 të datës 29.11.2024, për caktimin e shkallëve tatimore progresive në pronën e paluajtshme për vitin 2025.

Rendin e punës e shtroj në votim dhe i njëjti u aprovua njëzëri. Prezentë 15. Në saje të kësaj del konstatimi së Kuvendi i Komunës

Aprovoj

Rendin e punës prej 1 pike.

Kalojmë në shqyrtimin e pikës:

1.Kërkesa e MFPT për Rishqyrtimi i Vendimit të KK 01Nr. 060/01-28018/24 të datës 29.11.2024, për caktimin e shkallëve tatimore progresive në pronën e paluajtshme për vitin 2025.

Kryesuesi i Kuvendit: Siç e dini edhe ju, në muajin nëntor i kemi aprovuar normat tatimore progresive sipas ligjit të ri të cilin e ka hartuar qeveria dhe e ka miratuar Kuvendi i Kosovës. Në afatin ligjor vendimi është dërguar në MAPL, ndërkaq MAPL e ka përcjellë në MEFT për shqyrtim të ligjshmërisë. Ministria nuk ka kthyer përgjigje brenda afatit të përcaktuar ligjor. Me 8 janar është kthyer përgjigje, pas 1 muaji e 8 ditë me vonesë dhe kanë kërkuar me rishqyrtuar vendimin, pasi qeveria ka vendosur me një nen të veçantë që të prolongoj mbledhjen e taksës progresive, që ato norma tatimore mos të vlejnjë për vitin 2025, por të vlejnjë për vitin 2026. Ne, lëndën e kemi proceduar për KK, pavarësisht se është jashtë afatit ligjor, se mos rishqyrtimi i vendimeve po ndikon në grantin e performancës së komunës. Materialin e keni marrë, drejtori është këtu, e hapi diskutimin:

znj. Ardita Rrahmani: Shfrytëzoj rastin se pari t'iu uroj vitin e Ri 2025, na shkoftë mbarë të gjithëve. Do të ishte me mirë fillimisht të jep sqarime drejtori i DBF.

z. Bahri Selimi: Shumë saktë e përmendi kryesuesi, sipas ligjit të tatimit në pronë, ne kemi vepruar shumë drejtë. Me 29.11.2024 është miratuar vendimi për tatimin e normave progresive, të cilat norma i kemi ulur në minimum për të gjitha kategoritë, pronave bujqësore, rezidenciale, komerciale, përkundër që të hyrat vetjake komunale ulën. Është prolonguar nga ministria neni 35 i ligjit bazik, dhe mbi bazën e kësaj, ministria krejt me vonesë vepron për me kthyer lëndën në rishqyrtim. Vendimi është marrë me 29.11.2024, me 30.12.2024 e ka shqyrtuar ministria përkatëse dhe e ka kthyer prapa. Ndërkaq, Zyra e Kuvendit të Komunës, iu ka shkruar në email se sipas nenit 81.4 të Ligjit për Vetëqeverisje lokale, afati ligjor për shqyrtimin e ligjshmërisë është 15 ditëve. Ata e kanë marrë vendimin 1 muaj pas afatit ligjor dhe njoftimin e kanë dërguar 8 ditë pas marrjes së vendimit, dm.th. 1 muaj e 9 ditë. Me plotë të drejtë komuna e ka publikuar vendimin dhe vendimi ka hyrë në fuqi. Pos kësaj, ne kemi marrë një njoftim nga departamenti ligjor- Departamenti i Tatimit në Pronë, i cili është në kuadër të MEFT, ku thotë se të gjitha komunat që kanë nxjerrë vendim për caktimin e normave progresive tatimore, para datës 30 nëntor 2024, mund të nxjerrin sërish vendim për caktimin e normës tatimore, sikurse vendimi për caktimin e normave tatimore për vitin 2024. Për mos me iu ardhur fatura qytetarëve me norma të vjetra, apo me të larta, me qëllim që normat tatimore të shkojnë me 0,10% e jo qysh i kemi caktuar me vendimin e miratuar për caktimin e shkallëve tatimore progresive. Kërkoj mirëkuptim që iu thirrëm në këtë seancë, por ministria na e ka kthyer vendimin në rishqyrtim dhe ne po detyrohemi me rishqyrtuar, që faturat për vitin 2025 me ardhur qytetarëve me norma tatimore të ulëta të përcaktuara si në Propozim Vendim.

Kryesuesi i Kuvendit: Diskutime të tjera nuk ka, atëherë Propozim Vendimin e shtroj në votim dhe i njëjti u aprovua njëzëri. Prezentë 15. Në sajë të kësaj del konstatimi së Kuvendi i Komunës mori këtë:

VENDIM

Për caktimin e normave tatimore për tatimin në pronën e paluajtshme për vitin 2025 / Lënda: 01Nr. 104/02-974/25.

Me këtë Vendim, Shfuqizohet Vendimi i Kuvendit të Komunës 01Nr. 060/01-28018/24 i datës 29.11.2024 për caktimin e shkallëve tatimore progresive në pronën e paluajtshme për vitin 2025.

Mbledhja i përfundoj punimet në ora 11:17. Nga 27 anëtarë sa ka KK, prezentë në këtë mbledhje ishin 15 anëtarë të cilët qëndruan në mbledhje deri në fund. Në mbledhje munguan pa arsye 12 anëtarë të KK.

Procesmbajtës
Makfire Malsiu
Makfire Malsiu

Kryesuesi i Kuvendit
Kemal Murseli
Kemal Murseli

